



Број/Број: 03-/4-50-1-10-22-12/9
Сарајево/Сарајево: 16. 3. 2009. године

ZAPISNIK

22. sjednice Zajedničke komisije za evropske integracije Parlamentarne skupštine BiH

Sjednica je održana 16. 3. 2009. godine, s početkom u 12 sati.

Sjednici su prisustvovali članovi Komisije: Halid Genjac, predsjedavajući, Ivo Miro Jović, prvi zamjenik predsjedavajućeg, Drago Ljubičić, drugi zamjenik predsjedavajućeg, Milica Marković, Šemsudin Mehmedović, Zoran Koprivica, Hilmo Neimarlija, Branko Dokić i Selim Bešliagić.

Opravdano su odsustvovali: Alma Čolo, Rudo Vidović i Azra Hadžiahmetović.

Osim članova Komisije, sjednici su prisustvovali i predstavnici Misije OSCE-a u BiH kao i predstavnici OHR-a.

Prisustvovala je i Vlatka Dangubić, sekretar Komisije.

Nakon što je dogovoreno da se razmatranje Izvještaja o radu Vijeća ministara BiH za 2008. godinu, koje je bilo predviđeno kao druga tačka dnevnog reda, odgodi za sljedeću sjednicu, Komisija je jednoglasno usvojila sljedeći

DNEVNI RED

1. Usvajanje Zapisnika 21. sjednice Komisije;
2. Razmatranje Izvještaja o provođenju Mape puta za liberalizaciju viznog režima;
3. Plan međunarodnih aktivnosti;
4. Utvrđivanje termina i zaduženja za javne tribine u prvom polugodištu 2009. godine;
5. Tekuća pitanja.

Ad. 1. Usvajanje Zapisnika 21. sjednice Komisije

Zapisnik 21. sjednice Komisije usvojen je jednoglasno.

Ad. 2. Razmatranje Izvještaja o provođenju Mape puta za liberalizaciju viznog režima

Nakon rasprave u kojoj su učestvovali svi prisutni članovi, jednoglasno je usvojeno sljedeće

MIŠLJENJE

o Planu aktivnosti za provođenje preporuka iz dokumenta Evropske komisije „Ocjena provođenja Mape puta od strane BiH“

Vijeće ministara BiH je na 79. sjednici, održanoj 5.3.2009., usvojilo Plan aktivnosti za provođenje preporuka iz dokumenta Evropske komisije „Ocjena provođenja Mape puta od strane BiH“ (u daljnjem tekstu Plan aktivnosti). Na istoj sjednici Vijeće ministara BiH usvojilo je Izvještaj o radu Interresorne radne grupe i Izvještaj o odvijanju dijaloga o liberalizaciji viznog režima s Evropskom komisijom s pregledom trenutnog stanja u ispunjavanju zahtjeva Mape puta za liberalizaciju viznog režima, te zadužilo Interresornu radnu grupu za pregovore s Evropskom komisijom o liberalizaciji viznog režima da „predmetni Izvještaj dostavi Parlamentarnoj skupštini BiH“.

Predsjedavajući Interresorne radne grupe dostavio je, 9.3.2009., Parlamentarnoj skupštini BiH pomenuti izvještaj (koji sadrži sve navedene dokumente).

I. Zajednička komisija za evropske integracije je, kao nadležna komisija, razmatrala navedeni plan aktivnosti te je:

- a) podržala Plan aktivnosti
- b) uputila Plan aktivnosti u daljnju parlamentarnu proceduru.

II. Zajednička komisija za evropske integracije je prilikom rasprave o Planu aktivnosti koristila prateće izvještaje Interresorne grupe. Prema navedenim izvještajima, veliki broj mjera iz Mape puta je proveden, provođenje manjeg broja mjera kasni, a za jedan broj mjera Interresorna grupa traži sugestije Vijeća ministara BiH. Imajući to u vidu, Zajednička komisija za evropske integracije jednoglasno je usvojila **zaključak** kojim se od Vijeća ministara BiH traži da na sjednici Doma obrazloži razloge kašnjenja provođenja pojedinih mjera i predloži prihvatljive načine rješavanja spornih mjera i iz Mape puta.

Ad. 3. Plan međunarodnih aktivnosti

Nakon rasprave u kojoj su učestvovali svi prisutni članovi Komisije, jednoglasno je usvojen plan međunarodnih aktivnosti kako slijedi:

Januar 21. i 22. – 11. interparlamentarni sastanak s Delegacijom Evropskog parlamenta, Brisel, Belgija;

Mart – 27. učešće na IV COSAP konferenciji, Cetinje, Crna Gora;

Maj – uzvratna posjeta Odbora za evropske integracije Hrvatskog sabora, Sarajevo, BiH;

Juli – posjeta Parlamentu Švedske, budućoj predsjedavajućoj EU, Štokholm, Švedska;

Septembar – posjeta Odbora za evropske integracije Narodne skupštine Srbije, Sarajevo, BiH;

Novembar – sastanak s Odborom za međunarodne odnose i evropske integracije Skupštine Crne Gore, Sarajevo, BiH.

Ad. 4. Utvrđivanje termina i zaduženja za javne tribine u prvom polugodištu 2009. godine

U skladu s planom održavanja javnih tribina na fakultetima u Sarajevu, Mostaru, Banjoj Luci, Tuzli i Brčkom, usvojenim na prethodnoj sjednici za prvo polugodište 2009. godine, dogovoreno je učešće članova Komisije kako slijedi:

April: - Brčko- Drago Ljubičić, Šemsudin Mehmedović, Selim Bešliagić;

- Mostar- Azra Hadžiahmetović, Branko Dokić, Milica Marković;

Maj: - Tuzla – Selim Bešliagić, Hilmo Neimarlija, Zoran Koprivica;

Juni: - Banja Luka – Milica Marković, Ivo Miro Jović, Hilmo Neimarlija;

Juli: - Sarajevo – Šemsudin Mehmedović, Ivo Miro Jović, Branko Dokić.

Ad. 5. Tekuća pitanja

1. Na inicijativu Zorana Koprivice, usvojen je zaključak da se u dnevni red jedne od narednih sjednica uvrsti tačka: Informacija o aktuelnoj situaciji u realizaciji projekata korisnika finansijskih fondova IPA programa.

2. Milica Marković informirala je članove Komisije o inicijativi da se Dan Mediterana, 21.mart , obilježi u PSBiH. Jednoglasno je usvojeno da Komisija sugerira Zajedničkom kolegiju oba doma da se na odgovarajući način obilježi Dan Mediterana u PSBiH i da se posebno naglasi značaj regionalne saradnje u kontekstu evroatlantskih integracija.

Sjednica je završena u 14 sati.

Predsjedavajući
Zajedničke komisije
Halid Genjac